

**Ni Presidente
Henry B. Eyring**
Umuna a Mammagbaga
iti Umuna a Panguluén



Ti Pili nga Agbalin a Managyaman

Bilinennatayo ti Amatayo iti Langit nga agbalin a managyaman iti amin a banag (kitaen iti 1 Taga Tesalonica 5:18), ken idawatna a kasapulan nga agyamantayo kadagiti bendision nga awatentayo (kitaen iti DkK 46:32). Ammotayo a naisangrat amin dagiti bilinna a mangparagsak kadatayo, ken ammotayo pay a ti manglabsing kadagiti bilinna ket mangiturong kadatayo iti kinaay-ay-ay.

Isu a tapno agbalin a naragsak ken malapdan ti kinaay-ay-ay, nasken a maaddaantayo iti managyaman a puso. Nakitatayon iti biagtayo ti pagnaigan ti panagyaman ken kinaragsak. Amintayo ket agtarigagay a makarikna iti panagyaman, ngem saan a nalaka ti agtalinaed a managyaman iti amin a banag kadagiti pannubok ti biag. Sumangbay ti sakit, pannakaupay, ken ti ipupusay dagiti tattao nga ipatpategtayo kadagiti panawen ti panagbiagtayo. Dagiti ladingittayo ti mangparigat tapno makitatayo dagiti bendisiontayo ken agyaman kadagiti bendision nga italtalimeng ti Dios para kadatayo iti masakbayan.

Maysa a karit ti mangbilang kadagiti bendisiontayo gapu ta addaantayo iti ugali nga umawat nga awanan iti panagyaman kadagiti nasayaat a banag. No maawanantayo iti balay a pagtaengan, taraon a makan, wenno ti pammateg dagiti gagayyem ken pamilia, mautobtayo nga anian a panagyamantayo no addaantayo kadagitoy.

Kangrunaan ti amin, no dadduma narigat para kadatayo ti agbalin a naan-anay a managyaman para kadagiti

kapatgan a sagut nga awatentayo: ti pannakayanak ni Jesucristo, ti Pannubbotna, ti kari ti panagungar, ti gundaway a mangsagrap iti agnanayon a biag a kadenna dagiti pamiliatayo, ti Pannakaisubli ti ebanghelio nga adda ti priesthood ken dagiti tulbekna. Babaen laeng ti tulong ti Espiritu Santo a mairugitayo a marikna no ania ti kaipapanan dagita a bendision kadatayo ken kadagiti patpatgentayo. Ket iti dayta laeng a manamnamatayo a makapagbalintayo a managyaman iti amin a banag ket malapdan ti kinainggrata a mamagladingit iti Dios.

Nasken nga ikararagantayo a ti Dios, babaen ti bileg ti Espiritu Santo, tulongannatayonto a mangkita a silalawag kadagiti bendisiontayo uray iti baet dagiti pannuboktayo. Matulongannatayo babaen ti bileg ti Espiritu a mangbigbig ken agbalintayo a managyaman kadagiti bendision a ditay pagyamyamanan. No ania ti kangrunaan a makatulong kaniak ket ti pangikararagak iti Dios, “Iturongnak koma iti maysa a tao a matulongak para Kenka?” Iti panangtulong iti Dios a mangbendision kadagiti dadduma nga ad-adda a nakitak dagiti bukodko a bendision.

Naminsan a nasungbatan ti kararagko idi adda agas-sawa a diak am-ammo a nangawis kaniak a mapan iti ospital. Sadiay a nasarakak ti maysa a bassit a maladaga a bassit unay ta apagisu laeng isuna iti dakulapko. Iti sumagmamano laeng a lawas a panagbiag, naglasaten isuna iti adu a pannakaoperar. Imbaga dagiti doktor kadagiti nagannak a kasapulan ti narigrigat pay a

pannakaoperar para iti puso ken dagiti bara tapno magtalinad ti biag iti dayta bassit nga anak ti Dios.

Iti kiddaw dagiti nagannak, inikkak ti maladaga iti bendision ti priesthood. Nairaman iti bendision ti maysa a kari ti biag a nayatiddog. Ad-adu pay ngem iti panangted iti maysa a bendision, naawatko a mismo ti bendision ti ad-adda a managyanan a puso.

Babaen ti tulong ti Amatayo, mabalintayo amin a pilien ti mangrikna iti ad-adu pay a panagyanan. Mabalintayo a kiddawen Kenkuana a tulongannatayo a makakita a nalawlawag kadagiti bendisiontayo, ania man dagiti kasasaadtayo. Para kaniak iti dayta nga aldaw, naganmanak a kas di kaano man idi datdatlag a naggaraw ti pusok ken dagiti barak. Iti dalanko a nagawid, naganmanak kadagiti bendision a naited kadagiti anakko ta makitak a nalawlawag dagiti milagro ti kinasaayat a naggapu iti Dios ken manipud kadagiti nasayaat a tattao iti aglawlawda.

Kangrunaan ti amin, nariknak ti panagyanan iti pammaneknek ti Pannubbot nga adda iti biag dagidiay naragget a nagannak ken iti biagko. Nakitakon ti namnama ken ti natarnaw nga ayat ni Cristo a rumimrimat kadagiti rupada, uray iti nakaro a pannubokda. Ket nariknak ti pakakitaan a mabalinyo a marikna no idawatyo iti Dios nga ipakitana kadakayo a ti Pannubbot ket mapalugodannakayo a mangrikna iti namnama ken ayat.

Makaaramiditayo amin iti pili a mangted iti panagyanan iti kararag ken agdawat iti Dios iti panangiturong tapno agserbi kadagiti dadduma para Kenkuana—nangnangruna daytoy a panawen ti tawen a panangrambaktayo iti pannakayanak ti Mangisalahan. Inted ti Dios Ama ti Anakna, ket inted ni Jesucristo kadatayo ti Pannubbot, ti kapatgan ti amin a sagut ken ti amin a panangted (kitaen iti DkK 14:7).

Ti panagyanan iti kararag ket makapalugod kadatayo a mangkita iti kinadakkal dagitoy a bendision ken amin dagiti dadduma pay a bendisiontayo ket iti kasta mawatayo ti sagut ti ad-adda pay a managyanan a puso.

PANANGISURO MANIPUD ITI DAYTOY A MENSAHE

Ti panangisurat kadagiti padas ken bendisiontayo ket makatulong kadatayo a manglaglagip kadagitoy

ken mangted kadatayo iti maysa a banag a pagibasaran. Ibilangyo ti panangidawat kadagiti suruanyo nga isuratda no ania ti pagyamyamananda—a tumulong kadakuada a manglaglagip kadagiti bendision a naawatdan, mangilasin kadagiti bendision ti agdama, ken mangpasungad kadagiti bendision ti masakbayan.

Mabalinyo pay nga allukoyen dagiti suruanyo a mangsurot iti pagwadan ni Presidente Eyring iti panagdwat iti Nailangitan nga Ama a mangiturong kadakuada iti maysa a tao a matulongan wenno mapagserbianda.

AGTUTUBO

Mangaramid iti Karit a Panagyanan Da John Hilton III ken Anthony Sweat

Saantayo laeng nga agsao maipapan iti panangbilang kadagiti bendisiontayo—aramidentayo daytoy! Mangisurat iti listaan iti 100 a bambanag a pagyamyamananyo. No ipapanyo a kasla adu unay dayta, pada-senyo daytoy:

1. Mangisurat iti 10 a pisikal nga abilidad wenno kabalalan ti bagi a pagyamyamananyo.
2. Mangisurat iti 10 a material a sanikua a pagyamyamananyo.
3. Mangisurat iti 10 a sibibiag a tattao a pagyamyamananyo.
4. Mangisurat iti 10 a pimmusayen a tattao a pagyamyamananyo.
5. Mangisurat iti 10 a banag maipapan iti nakaisigudan [nature] a pagyamyamananyo.
6. Mangisurat iti 10 a banag maipapan ita nga agdama a pagyamyamananyo.
7. Mangisurat iti 10 a lugar iti daga a pagyamyamananyo.
8. Mangisurat iti 10 a kabaruanan a partuat wenno imbension a pagyamyamananyo.
9. Mangisurat iti 10 a taraon a pagyamyamananyo.
10. Mangisurat iti 10 a banag maipapan iti ebanghelio a pagyamyamananyo.

No mangaramiditayo iti listaan a kas iti daytoy, maka-kuatantayo a ti listaan ti 100 ket rugi laeng ti amin a banag a naiteden ti Dios kadatayo.



Pammati • Pamilia • Tulong

Maysa a Dakkel a Kabaelan ti Tignay

Adalenyoy daytoy a material, ken no maitutop, paglilinnawaganyo daytoy kadagiti kakabsat a babbai a sarungkaranyo. Usarenyo dagiti saludsod a mangtulong kadakayo a mangpapigsa kadagiti kakabsatyo a babbai ken mangaramid iti Relief Society nga aktibo a paset iti bukodyo a biag.

Kasapulan ti Apo, ti Simbaanna, dagiti pamilia, ken dagiti komunidad ti impluensia dagiti nalinteg a babbai. Kinapudnona, insuro ni Elder M. Russell Ballard ti Korum dagiti Sangapuloket-dua nga Apostol, a “tunggal kabsat a babai iti daytoy a Simbaan a nangaramid iti katulagan iti Apo ket addaan iti nadiosan a bilin a tumulong a mangisalakon kadagiti kararua, mangidaulo kadagiti babbai iti lubong, mangpapigsa kadagiti pagtaengan ti Zion, ken mangbangon iti pagarian ti Dios.”¹

Mabalin a masdaaw ti sumagmamano a kakabsat a babbai no mabalinda nga ipatungpal dagiti kasta a nangangato a panggep a tun-oyen. Ngem kas iti impalawag ni Eliza R. Snow (1804–87), maikadua a sapsap a presidente ti Relief Society, “Awan ti kabsat a babai a maidaddaduma, ken limitado unay ti impluensiana tapno dina kabaelan ti agaramid iti adu iti panangipasdek iti pagarian ti Dios iti rabaw ti daga.”² Insuro pay ni Sister Snow a nabukel ti Relief Society “para iti pannakaileppas ti tunggal nasayaat ken natakneng nga aramid.”³

Ti pannakiraman iti Relief Society ket mangpadakkel kadagiti kabaelan ti impluwensiatayo babaen ti panangted iti tunggal kabsat a babai kadagiti gundaway a mangbangon iti pammati,

mangpapigsa kadagiti pamilia ken pagtaengan, ken mangted iti serbisio nga agpada iti pagtaengan ken iti intero a lubong. Ken nagasat ta, dagiti panagagawatayo a kas maysa a tao ken kas Relief Society ket saan a kasapulan a dakkel ken aglablabes, no di ketdi nasken a natallugod ken saan nga agbalbaliw. Dagiti nalinteg a nakaugalianen nga aramid kas iti inaldaw a panagkararag a bukod ken sangapamiliaan, inaldaw a panagadal iti nasantuan a kasuratan, ken agtul-tuloy a panangaramid a naimbag kadagiti takem [calling] iti Simbaan ket makatulongto a mangpapigsa iti pammati ken mangbangon iti pagarian ti Apo.

Kadagiti kakabsat a babbai nga agtarigagay a mangammo no dagitoy kasla babassit wenno di madmadlaw nga aramid ket makaaramidda iti pakaidumaan, impanamnama ni Elder Ballard: “Tunggal kabsat a babai a mangitakder iti kinapudno ken kinalinteg ket mangpaawan iti impluensia ti dakes. Tunggal kabsat a babai a mangpapigsa ken mangsaluad iti pamiliana ket mangar-aramid iti trabaho ti Dios. Tunggal kabsat a babai nga agbibbiag a kas maysa a babai ti Dios ket agbalin a maysa a silaw para kadagiti dadduma tapno surotenda ken mangimulmula kadagiti bukel ti

nalinteg nga impluensia a maapitto kadagiti umay a dekada.”⁴

Manipud iti Pakasaritaantayo

Ni Eliza R. Snow, a nagserbi a kas sekretaria idi nabukel ti Relief Society idiyau Nauvoo, ket inawagan ni Presidente Brigham Young (1801–77) tapno agbaniaga iti intero a Simbaan, a mangtulong kadagiti obispo a mangbukel iti Relief Society kadagiti wardda.

Insuro ni Sister Snow: “No adda man kadagiti annak a babbai ken inna iti Israel a makarikrikna iti limitasion kadagiti agdama a kaba-elanda, makabirokda itan iti maka-anay nga abilidad para iti tunggal bileg ken kabaelan para iti panagaramid iti nasayaat a kawayaan a pakaitalugadinganda. . . . Niluktan ni Presidente Young ti posibilidad para iti dakkel a kabaelan ti tignay ken pakaaramatan.”⁵

DAGITI NAGADAWAN

1. M. Russell Ballard, “Women of Righteousness,” *Liahona*, Dis. 2002, 39.
2. Eliza R. Snow, “An Address,” *Woman’s Exponent*, Sept. 15, 1873, 62.
3. Eliza R. Snow, “Female Relief Society,” *Deseret News*, Abr. 22, 1868, 81.
4. M. Russell Ballard, *Liahona*, Dis. 2002, 39.
5. Eliza R. Snow, *Deseret News*, Abr.

Manipud kadagiti Nasantuan a Kasuratan

1 Taga Corinto 12:4–18;
1 Timoteo 6:18–19; Mosiah 4:27;
Pagannurotan ti Pammati 1:13

Ania ti Maaramidko?

1. Kasano a matulongak dagiti kakabsat a babbai a sarungkarak a mangbigbig ken mangaramat iti kabaelanda tapno agbalinda a nalinteg nga impluensia?

2. Kasano a mausarko dagiti naidumduma a sagutko ken talentok a mangbendision kadagiti dadduma?

Para iti ad-adu pay nga impormasion, mapan iti reliefsociety.lds.org.